

# 14 SEPTEMBRIE

## RUGACIUNEA 6

### SFINTEI CRUCI

#### Молитва

Господи Иисусе Христе, Сыне Божий!  
Страшныя страсти Твоя, Крест и смерть  
поминающе, исповедуем, яко ради нас человек и  
ради нашего спасения, вся сия претерпети и  
Святую Кровь Свою излияти изволил еси, к Тебе  
милосердия ради Себе истощившему  
непреложно и до страстей преклоншемуся,  
Слове Божий, припадаем и молимся:  
согрешихом, беззаконовахом, неправдовахом,  
пред Тобою, всесвятый Спасителю наш, толико,  
яко несмы достойны възрети на высоту  
небесную от множества неправд наших.  
И токмо пред животворящим Крестом Твоим,  
Христе, колена сердец наших преклоняем,  
честно Тому прикасаемся и любезно целуем -  
моление наше Тебе, распеншемуся на Нем  
приносяще о, премилосердый Господи, не  
отврати лица Твоего от нас и не посрами нас от  
надежды нашея, во всяких нуждах наших,  
скорбех, печалех, всегда буди помощник нам и  
покровитель во спасение, можеши бо, Сам  
искушен быв, нам искушаемым помощи.

Ниспосли милости Твоя богатая на нас, силою честнаго и животворящего Креста Твоего ограждаемых, отмый тайнодейственно, во святых Твоей Церкви, честно Твоею Кровию грехи всех, верою, упованием и любовью Крест и смерть Твою возвещающих до дне онаго втораго Твоего в мир сей пришествия. Подаждь нам, Владыко Вседержителю, силу и крепость благочестно и праведно пожити в нынешнем веце. На Страшном же Суде Твоем сподоби услышати, аще и недостойны, благостный глас Твой избранным Твоим: "Приидите, благословеннии Отца Моего, наследуйте царство уготованное вам от сложения мира". Да славим Тебе со Отцем Твоим, и безначальным и Пресвятым Духом во веки веков. Аминь.